

## Untervaz



### Pfarramt St. Laurentius

Kirchgasse 4, 7204 Untervaz  
Pfarrer Thomas Arkuszewski  
Telefon 081 322 14 13  
pfarrer@untervaz-katholisch.ch

### Öffnungszeiten Sekretariat

#### Montag

13 - 17 Uhr und

Dienstag/Mittwoch/Donnerstag  
08- 12 Uhr

Telefon 081 322 57 15

sekretariat@untervaz-katholisch.ch

### Kirchgemeindepräsident

Urs Gaupp

Telefon 078 624 60 49

praesident@untervaz-katholisch.ch

## Gottesdienste

### 26. Sonntag im Jahreskreis

#### Sonntag, 01. Oktober

09.30 Uhr Hl. Messe

18.00 Uhr Rosenkranz

#### Montag, 02. Oktober

18.00 Uhr Rosenkranz

#### Dienstag, 03. Oktober

18.00 Uhr Rosenkranz

18.30 Uhr Hl. Messe für die Kranken

#### Mittwoch, 04. Oktober

09.30 Uhr Hl. Messe

18.00 Uhr Rosenkranz

#### Donnerstag, 05. Oktober

18.00 Uhr Rosenkranz

18.30 Uhr Hl. Messe

#### Freitag, 06. Oktober/Herz-Jesu

18.00 Uhr Rosenkranz

18.30 Uhr Hl. Messe

Stiftmesse: Franziska

Meier-Galliard

#### Samstag, 07. Oktober

08.00 Uhr Marienmesse

18.00 Uhr Rosenkranz

### 27. Sonntag im Jahreskreis/Erntedank

18.30 Uhr Vorabendmesse

Stiftmesse: Martin und

Maria Leopold-Uehli

#### Sonntag, 08. Oktober

09.30 Uhr Hl. Messe

Jahresgedächtnis für:

Georg Krättli-Balzer

(† 07.10.2016)

18.00 Uhr Rosenkranz

#### Montag, 09. Oktober

18.00 Uhr Rosenkranz

#### Dienstag, 10. Oktober

18.00 Uhr Rosenkranz

18.30 Uhr Hl. Messe für die Kranken

#### Mittwoch, 11. Oktober

09.30 Uhr Hl. Messe

18.00 Uhr Rosenkranz

#### Donnerstag, 12. Oktober

18.00 Uhr Rosenkranz

18.30 Uhr Hl. Messe

#### Freitag, 13. Oktober

18.00 Uhr Rosenkranz

18.30 Uhr Hl. Messe

Stiftmesse: Peter und

Amanz Fischer und Luzia

Fischer-Schnoz

#### Samstag, 14. Oktober

18.00 Uhr Rosenkranz

### 28. Sonntag im Jahreskreis

18.30 Uhr Vorabendmesse

Stiftmesse: Leo und Leonie

Büsser-Schädler

#### Sonntag, 15. Oktober

09.30 Uhr Hl. Messe

10.30 Uhr Taufe von Kind Malea

Eltern: Marco und Sonja  
Schmid-Caille, Quadrella 11

18.00 Uhr Rosenkranz

#### Montag, 16. Oktober

18.00 Uhr Rosenkranz

#### Dienstag, 17. Oktober

18.00 Uhr Rosenkranz

18.30 Uhr Hl. Messe für die Kranken

#### Mittwoch, 18. Oktober

09.30 Uhr Hl. Messe

anschl. Kaffee im

Pfarreiheim

18.00 Uhr Rosenkranz

#### Donnerstag, 19. Oktober

18.00 Uhr Rosenkranz

18.30 Uhr Hl. Messe

#### Freitag, 20. Oktober

18.00 Uhr Rosenkranz

18.30 Uhr Hl. Messe

Stiftmesse: Anna Pasqual-

Hug und "ungenannt"

#### Samstag, 21. Oktober

18.00 Uhr Rosenkranz

### 29. Sonntag im Jahreskreis

*Opfer: MISSIO*

18.30 Uhr Vorabendmesse

Stiftmesse: Christina Wolf-

Schädler

Stiftmesse: Peter Fuchs-

Ludwig

#### Sonntag, 22. Oktober

09.30 Uhr Gemeinschaftsgottesdienst  
in Trimmis

18.00 Uhr Rosenkranz

#### Montag, 23. Oktober

18.00 Uhr Rosenkranz

#### Dienstag, 24. Oktober

18.00 Uhr Rosenkranz

18.30 Uhr Hl. Messe für die Kranken

#### Mittwoch, 25. Oktober

09.30 Uhr Ökum. Chliikinderfiir in der  
Ref. Kirche

09.30 Uhr Hl. Messe

Stiftmesse: Maria Hug-

Castellazzi

18.00 Uhr Rosenkranz

#### Donnerstag, 26. Oktober

18.00 Uhr Rosenkranz

18.30 Uhr Hl. Messe

Stiftmesse: Crispin und Marie Joos-Bürkli und Maria Joos

### Freitag, 27. Oktober

18.00 Uhr Rosenkranz  
18.30 Uhr Hl. Messe  
Stiftmesse: Kunigunda und Emil Majoleth-Deplazes und Maria Majoleth

### Samstag, 28. Oktober

18.00 Uhr Rosenkranz

### 30. Sonntag im Jahreskreis

2. Kollekte für das Priesterseminar St.

Luzi Chur

18.30 Uhr Vorabendmesse  
Stiftmesse: Hans Geisseler-Lipp

### Sonntag, 29. Oktober

09.30 Uhr Hl. Messe  
18.00 Uhr Rosenkranz

### Montag, 30. Oktober

18.00 Uhr Rosenkranz

### Dienstag, 31. Oktober

18.00 Uhr Rosenkranz  
18.30 Uhr Hl. Messe für die Kranken

## Mitteilungen

### Spesenreglement/Verfassung

Das neue Spesenreglement und die neue Verfassung können im Sekretariat eingesehen werden.



### Regionaler Gottesdienst Trimmis-Untervaz-Zizers

Am **Sonntag, 22. Oktober** feiern die kath. Pfarrgemeinden Trimmis, Untervaz und Zizers, wie bereits im vergangenen Jahr, einen regionalen Gottesdienst.

**Die Hl. Messe beginnt um 09.30 Uhr.**

Der katholische Kirchenchor Trimmis wird den Gottesdienst musikalisch

mitgestalten und umrahmen. Anschliessend an den Gottesdienst sind alle zu einem Apéro ins kath. PfZ. eingeladen.

### Seniorenachmittag

Montag, 02. Oktober 14.00 Uhr  
Wir spielen Lotto im Generationen-Kafi

### Mittagstisch

Donnerstag, 19. Oktober in der Linde  
Kosten Fr. 17.-- inkl. 1 Getränk  
(1 Kaffee oder 1 Mineral)  
Anmeldung Rest. Linde 081 322 14 12  
Kath. Pfarramt 081 322 14 13  
Evang. Pfarramt 081 322 34 77

### Kirchensanierung 2017 Teil 1

Wir haben am Sonntag den 5. Mai 2017 die Turmakten öffentlich geöffnet. Dabei kamen Münzen sowie Berichte (als Fotokopien) aus der Zeit von 1848 und der Kirchenrenovation von 1968-1971 hervor.

Der hier verfasste Bericht nimmt in einigen Punkten die Überlegungen des Berichtes vom 1. September 1971 auf und soll weiterführend aufzeigen welche Beschlüsse und Überlegungen in den Jahren von 2012-2017 gemacht wurden.

Die archivierten Unterlagen der Kirchensanierung von 1968-1971 haben wir nach wie vor im Archiv im Pfarrhaus vorgefunden. Ebenso war uns bekannt dass in der Metallkuppel Turmakten vorhanden sind. Wir teilen die Meinung der Baukommission von 1971 das die Aufbewahrung von Akten in der Turmkuppel nur teilweise einer sinnvollen Lagerung gerecht wird.

Dennoch finden wir diesen Brauch nicht veraltet sondern sehr sinnvoll. Denn auch das beste Archiv kann Schäden erleiden oder durch falsche Handhabung können Unterlagen verloren gehen. So ist es richtig wenn die wesentlichen Unterlagen auch im Knopf lagern.

Auch wir werden die Unterlagen welche neu zu den Turmakten kommen als Doppel im Archiv lagern.

Ebenfalls verzichten wir auf einen ausführlichen Bericht zur Sanierung da sämtliche Unterlagen und Expertisen im Archiv aufbewahrt werden.

Kirchenvorstand 2017:  
Urs Gaupp, Präsident  
Yvonne Gysler, Aktuarin  
Rosi Bürkli, Kassier/Sekretariat  
Roberta Dietiker, Beisitzer

Pfr. Thomas Arkuszewski, ex professo

### Sommer 2012:

Am Kirchturm sowie im unteren Bereich des Kirchenschiffes finden wir viele Abplatzungen des Putzes vor. Dies führt im Kirchgemeindevorstand zu Überlegungen wie am besten vorzugehen sei. Er beschliesst die Suche von Experten, welche uns aufzeigen können weshalb diese Schäden auftreten und was dagegen zu unternehmen sei. Nach Diversen Abklärungen konnten wir Herr Oskar Emmenegger aus Zizers ausfindig machen welcher eine langjährige Erfahrung als Restaurator hat.

### Kirchgemeindeversammlung vom 11. November 2012

Die Kirchgemeindeversammlung beschliesst einen Kredit von 12'000sfr um eine Expertise über den Zustand der gesamten Kirche zu erstellen inkl. Grabarbeiten zur Erkundung der Fundation. Den Auftrag erhält Herr Oskar Emmenegger aus Zizers.

### Winter 2012/2013

Der Experten Bericht wird erstellt und liegt im Februar 2013 dem Kirchgemeindevorstand vor. Es zeigen sich erhebliche Schäden am Putz des Kirchturmes sowie im unteren Bereich des Kirchenschiffes. Die Putzschäden am Turm sind durch Feuchtigkeit im Zusammenhang mit Frost entstanden. Die Putzschäden im unteren Bereich des Kirchschiffes sind durch aufsteigende Feuchtigkeit aus dem Fundament entstanden. Ebenso wird festgestellt dass im inneren der Turmzwiebel mangels Durchlüftung sämtliches Holz morsch und von Pilzen befallen ist. Die Standsicherheit der Turmzwiebel ist nicht mehr gegeben und es muss innert 3-4 Jahren saniert werden. Der Kirchgemeindevorstand nimmt dies zur Kenntnis. Nun sind die Schäden bekannt jedoch wissen wir nicht wie hoch die Sanierungskosten ausfallen werden. Herr Oskar Emmenegger reicht uns eine Offerte für die Projektplanung von 11'000sfr ein.

### Kirchgemeindeversammlung vom 17. März 2013

Die Kirchgemeindeversammlung beschliesst einen Kredit von 11'000sfr für eine Projektplanung bezüglich der Kirchensanierung an Herr Oskar Emmenegger aus Zizers zu vergeben.

Die Projektplanung enthält:  
 Gestaltung von Detailzeichnungen  
 Archivstudium  
 Sanierungsmassnahmen mit Handwerker  
 und der Denkmalpflege besprechen  
 Berichterstattung über Gespräche  
 Offertexte verfassen und  
 Kostenschätzungen erstellen  
 Sitzungen mit dem Bauherrn

## Teil 2 im nächsten Pfarrblatt



### Lebenslauf von Ida Patt-Fischer

Am 09. Mai 1946 isch z'Idi üsari Mama als dritts Chind vur Marie und Peter Fischer-Steiner in dr Hindergass gebora. Sei isch mit irna Gschwüsteri Marili, Ruth, Trudi, Willi, Vreni und Bethli in ara Grossfamilia in Untervaz ufgwacha. Noch dr Primarschual in Untervaz hätt sei zKonstantineum in Chur bsuacht. Iara Traumbuaf Coiffeus zerlerna isch iara leider verwehrt blieba. Jetz isch a Welschlandjahr in Genf agstanda. Trotz am Heiweh, as hätt anra nämli an dära Stell gar nid gfalla, hätt sei dia französisch Sproch erlernt. A andera Kontakt ins Welschland besteht bis hütt, und aso hätt dia Sporch bi üüs dahei immer a Rolla gspielt. Iari Fründin us dära Zyt dMalou hätt bis zletscht no Kontakt mit dr Mama gha. Zrugg vum Welscha hätt üseri Mama noch ama Bürojob in dr Papierfabrik Landquart in da Service gwechslet. A so isch sei dänn ins Domleschg noch Thusis chu, wo sei churz druf ahi üsera Papa kennaglernt hätt. Im Februar 1965 hätt dr Papa sis Idi an da Traualtar gführt. Schu bald isch dära junga Liabi am 27. Juni 1965 mit mim Bruader Marcus zerschta Chind gschenkt worda. Uf da Tag genau a Johr spöter am 27. Juni 1966 hätt mit minara Geburt am Curtistutz zSchauaberg zuawachs gih. A Stellawechsel vum Papa vur Firma Rizzi in Cazis in dBündner Zementwerch in Untervaz hätt dia jung Familia noch Untervaz brocht. In dära Zyt isch bereits

mini Schwöschter, dRomana unterwägs gsi. In da Zementblöck hämmer als Erschtbezüger mit vielna andera junga Familia a cools dahei gfunda. Mit dr Übernahm vu dr Abwärtschaft im Primarschualhuus Untervaz simmer ins Schualhuus züglat, wo am 07. April 1971 mini zweit Schwöster dCarmela uf dWält chu isch. Üsari Familia isch somit komplett gsi. Mit ama wietera Wohnigswechsel 1973 sin miar ins Oberdorf an dVordergass zu zLippa zoga. I cha mi guat erinnara, dass dMama döt nebscht üs allna, vielna Nochbura dHoor gschnitta hätt und aso verspötet glich no ihrem Traumbuaf hä chönna fröhna. Dr nebat isch no a Acker im Feld drzua chu. Für mi isch as immer di gröscht Strof gsi, wänn i ha müassa am Mittwuchnommitag statt in Wald oder uf da Tschuttplatz in dLööser ga jäta. Au im Service hätt sei bi zGubers in dr Tanna immer wieder für a Zuastupf in Kassa vu dära junga Familia gsorgt. In dära Zyt isch dänn iari ältischt Schwöster dsMarili schwer erkrankt. Iara Tod 1977 isch für alli a schwera Schlag gsi. ZLäba hätt aber müassa wieter guh und dia viel Arbet mit a sonara junga Familia hätt vu vielna Sörga abglenkt. Schu bald hätt sei dMöglichkeit kriagt Stundawiis uf dr Gmeindsverwaltig, dua no in dr Quadara, ds schaffa. As isch iara immer wichtig gsi, dass sei nu dänn ga schaffa isch, wo miar alli in dr Schual gsi sin und wänn miar hei chu sin, sei wieder hätt chonna für üs do si. Üsara Nini dr Fischer Petsch hätt dänn im 1979 im Obara Winkel dr Stall zum a Wohnhuus umbaut und jetz hämmer chönna wia imma Einfamiliahuus mit üsrna Grossältara Tür an Tür wohna. Miar alli hänn vu dött awegg üsers Dahei im Winkel gha, bis eina noch am andera Flügge worda isch und sälber a Familia gründet hätt. A grossi Sach ischs dänn gsi, wo üsari Eltara 1993 hänn chönna dr Winkel übernii. Dä langi Johr agstrebt Traum Wohneigatum zbsitza, isch endlich verwürklicht gsi. Zur gliche Zyt sin mit dr Carmen, am Nico und am Lars bereits iari erschta Enkel uf dWält chu. Spöter sin dSilja und dNoemi drzua chu. Mit dr Marissa, dr Sina und am Jano hät sei im gsamta nün Enkel dörfa gnüssa. dMama isch amigs seelig gsi, wänn sei dia ganz Familia uf ihrer Terrasse um sich gha hätt und hätt dörfa verwöhna.

Wieter isch sei uf dr Gmei ga schaffa, hätt aber natürlü drnebat immer mä Zyt für iari Hobbys gfunda. Us einem vu dänna Hobbys isch dänn Liedaschaft worda. Dr Tennisvirus hätt sei packt. Wia immer wänn dMama öppis gmacht hätt, hätt sei volla Isatz gih. I cha mi erinnara, dass i ha müassa Gas gih, wenn i nid han wella verlüra gega sei.

Dia zweit Liedaschaft hätt dMama mit ierar guata Fründin Mona dörfa uusläba. Iari Wanderiga und Reisa hänn di beida bis uf Nepal gführt.

Innerhalb vu zwei Johr hänn sich dr Papa und d Mama dänn bereits mit sächzgi in da Vorruestand versetza luh. Jetz hätt sei au mim Papa mängs Reisli chönna gnüssa. Öb bim Schifahra im Montafon, uf Mallorca bim Bädala oder mim Kees und am Albert uf ara Chrüzfahrt. Dia beida hänn zLäba so richtig gnossa.

Bereits sieba Johr spöter hänn sich bir Mama erschti gsundheitliche Beiträchtigunga zeigt. Wär zldi kännt hätt, weiss, dass sei mit so Problem immer sehr offensiv umganga isch und so rasch wia möglich wieder hätt wella Gsund und Fit wärda.

Noch verschiedana langwieriga Abchläriga hätt dMama dänn im Juni 2015 dDiagnosa ALS überchuh. Schu bald hätt sei mit dr Kommunikation Schwierigkeita gha und hätt wäga dämm unter anderem au mit am Singa im Chor müassa ufhöra. Au dNahrigsufnahm hätt iara immer mäh Problem gmacht, was im Januar 2016 drzua gführt hätt, dass dMama a Magasonda gsetzt kriagt hätt. Extrem lang hätt sei vorbildlich gega dia heimtückisch Chranket gkämpft.

As isch für üs aSäga gsi, wia tapfer sei all dia Müahsal uf sich gnu hätt und versucht hätt möglichscht lang selbstbestimmt chönna wieterzläba und niamertem zur Lascht zfalla.

In da letschta Munet isch as dänn aber nümma immer uhni Hilf ganga. Mini Schwöschtera, hänn sich in dära schwieriga Zyt vorbildlich engagiert und sei liebevoll begleitet. Au dSchwöschtera vur Mama, viel Fründi und Nochbura sin iara in dära schwera Zyt beigstanda und hänn üs aso viel Entlaschtig chönna gih. Uf iara feschte Wunsch hie hämmer dMama noch amma Spitolufenthalt chönna in iara gliabt Ober Winkel hei ni, wo sei am letschta Fritig ganz ruhig und friedlich hätt chönna iari letscht Reis aträta.

Mama miar wärden di vermissa. Du blichsch immer in üsera Herza.